

資治通鑑今註卷第七十四

司馬光編集
林瑞翰註

魏紀六 起著雍敦牂盡旃蒙赤奮若，凡八年。戊午至乙丑，西元二三八年至二四五年。

烈祖明皇帝下

景初二年 （蜀延熙元年，吳赤烏元年，西元二三八年）

（一）春，正月，帝召司馬懿於長安，使將兵四萬討遼東^㉑。議臣^㉒或以爲四萬兵多，役費難供。帝曰：「四千里征伐^㉓，雖云用奇，亦當任力，不當稍計役費也。」帝謂懿曰：「公孫淵將何計以待君？」對曰：「淵棄城豫走，上計也；據遼東拒大軍^㉔，其次也；坐守襄平^㉕，此成禽耳！」帝曰：「然則三者何出？」對曰：「唯明智能審量彼我，乃豫有所割棄，此既非淵所及，又謂今往孤遠^㉖，不能支久，必先拒遼水，後守襄平也。」帝曰：「還往幾日？」對曰：「往百日，攻百日，還百日，以六十日爲休息，如此一年足矣！」

公孫淵聞之，復遣使稱臣求救於吳。吳人欲戮其使^㉗，羊術^㉘曰：「不可，是肆匹夫之怒，而捐霸王之計也。不如因而厚之，遣奇兵潛往以要其成。若魏伐不克，而我軍遠赴

，是恩結遐夷^④，義形萬里^⑤；若兵連不解，首尾離隔，則我虜其傍郡，驅略而歸，亦足以致天之罰，報雪曩事^⑥矣。」吳主曰：「善。」乃大勒兵，謂淵使曰：「請俟後問，當從簡書^⑦，必與弟同休戚^⑧。」又曰：「司馬懿所向無前，深爲弟憂之^⑨。」帝問於護軍將軍蔣濟曰：「孫權其救遼東乎？」濟曰：「彼知官備已固^⑩，利不可得，深入則非力所及，淺入則勞而無獲。權雖子弟在危，猶將不動，況異域之人^⑪，兼以往者之辱^⑫乎？今所以外揚此聲者，譎^⑬其行人^⑭，疑之於我。我之不克^⑮，冀其折節事已耳！然沓渚之間，去淵尙遠，若大軍相守，事不速決，則權之淺規^⑯或得輕兵掩襲，未可測也。」

（二）帝問吏部尙書盧毓，誰可爲司徒者，毓薦處士管寧。帝不能用，更問其次。對曰：「敦篤至行，則太中大夫韓暨；亮直清方，則司隸校尉崔林；貞固純粹，則太常常林。」二月，癸卯（十一日），以韓暨爲司徒。

（三）漢主立皇后張氏，前后之妹也。立王貴人子璿爲皇太子，璿爲安定王。

大司農河南孟光問太子讀書及情性好尙於秘書郎卻正^⑰。正曰：「奉親虔恭，夙夜匪懈，有古世子之風，接待羣僚，舉動出於仁恕。」光曰：「如君所道，皆家戶所有耳！」^⑱

吾今所問，欲知其權略智謀何如也。」正曰：「世子之道，在於承志竭歡，既不得妄有施爲，智謀藏於懷，權略應時而發，此之有無，焉可豫知也？」光知正愼宜，不爲放談，乃曰：「吾好直言，無所回避。今天下未定，智意爲先。智意自然，不可力彊致也。儲君讀書，寧當倣吾等竭力博識，以待訪問，如博士探策講試，以求爵位邪？當務其急者。」正深謂光言爲然。正，儉之孫也。

(四) 吳人鑄當千大錢。

(五) 夏，四月，庚子（初九日），南鄉恭侯韓暨卒。

(六) （十九日）庚戌，大赦。

(七) 六月，司馬懿軍至遼東，公孫淵使大將軍卑衍、楊祚將步騎數萬屯遼隧，圍塹二十餘里，〔考異〕晉宣紀云：「南北六七里。」今從淵傳諸將欲擊之。懿曰：「賊所以堅壁，欲老吾兵也。今攻

之，正墮其計。且賊大衆在此，其巢窟空虛，直指襄平，破之必矣！」乃多張旗幟，欲出其南。衍等盡銳趣之。懿潛濟水，出其北，直趣襄平。衍等恐，引兵夜走。諸軍進至首山，淵復使衍等逆戰，懿擊，大破之，遂進圍襄平。

秋，七月，大霖雨，遼水暴漲，運船自遼口徑至城下。雨月餘不止，平地水數尺。三

軍恐，欲移營，懿令軍中敢有言徙者斬。都督令史^⑤張靜犯令，斬之，軍中乃定。賊恃水，樵牧自若，諸將欲取之，懿皆不聽。司馬陳珪曰：「昔攻上庸，八部俱進，晝夜不息，故能一旬之半拔堅城，斬孟達^⑥。今者遠來，而更安緩，愚竊惑焉！」懿曰：「孟達衆少而食支一年，將士四倍於達，而糧不淹月^⑦，以一月圖一年，安可不速？以四擊一，正令失半而克，猶當爲之，是以不計死傷，與糧競也^⑧。今賊衆我寡，賊饑我飽，水雨乃爾^⑨，功力不設^⑩，雖當促之，亦何所爲？自發京師，不憂賊攻，但恐賊走。今賊糧垂盡，而圍落未合^⑪，掠其牛馬，抄其樵采，此故驅之走也。夫兵者詭道，善因事變^⑫，賊憑衆恃雨，故雖饑困，未肯束手，當示無能以安之。取小利以驚之，非計也！」^⑬

朝廷聞師遇雨，咸欲罷兵。帝曰：「司馬懿臨危制變，禽淵可計日待也。」雨齊，懿乃合圍。作土山、地道、楯、櫓、鉤、衝^⑭，晝夜攻之，矢石如雨。淵窘急，糧盡，人相食，死者甚多，其將楊祚等降。

八月，淵使相國王建、御史大夫柳甫請解圍卻兵，當君臣面縛。懿命斬之，檄告淵曰：「楚、鄭列國^⑮而鄭伯猶肉袒牽羊迎之^⑯，孤天子上公^⑰而建等欲孤解圍退舍，豈得禮邪

？二人老耄，傳言失指，已相爲斬之。若意有未已，可更遣年少有明決者來。」淵復遣侍中衛演乞克日送任⑤。懿謂演曰：「軍事大要有五，能戰當戰；不能戰，當守；不能守，當走；餘二事，但有降與死耳！汝不肯面縛，此爲決就死也，不須送任。」

壬午（是年八月卽建寅七月，七月庚寅朔，無壬午，壬午在九月，卽建寅之八月），襄平潰，淵與子脩將數百騎突圍東南走，大兵急擊之，斬淵父子於梁水之上⑥。

懿旣入城，誅其公卿以下及兵民七千餘人，築爲京觀⑦，遼東、帶方⑧、樂浪、玄菟四郡皆平。

淵之將反也，將軍綸直⑨、賈範等苦諫，淵皆殺之。懿乃封直等之墓，顯其遺嗣，釋淵叔父恭之囚⑩，中國人欲還鄉者，恣聽之，遂班師。

初，淵兄晃爲恭任子，在洛陽，先淵未反時，數陳其變，欲令國家討淵。及淵謀逆，帝不忍市斬，欲就獄殺之⑪。廷尉高柔上疏曰：「臣竊聞晃先數自歸，陳淵禍萌，雖爲凶族，原心可恕。夫仲尼亮司馬牛之憂⑫，祁奚明叔向之過⑬，在昔之美義也。臣以爲晃信有言，宜貸其死；苟自無言，便當市斬。今進不赦其命，退不彰其罪，閉著囹圄，使自引分⑭，四方觀國，或疑此舉也。」帝不聽，竟遣使齎金屑飲晃及其妻子，賜以棺衣。

，殯斂於宅^⑤。

(八) 九月，吳改元赤烏^⑥。

(九) 吳步夫人^⑦卒。初，吳主爲討虜將軍^⑧，在吳，娶吳郡徐氏。太子登所生庶賤^⑨，吳主令徐氏母養之。徐氏妬，故無寵。及吳主西徙，徐氏留處吳^⑩，而臨淮步夫人寵冠後庭，吳主欲立爲皇后，而羣臣議在徐氏，吳主依違^⑪者十餘年。會步氏卒，羣臣奏追贈皇后印綬。徐氏竟廢，卒於吳。

(十) 吳主使中書郎呂壹典校諸官府及州郡文書，壹因此漸作威福，深文巧詆^⑫，排陷無辜，毀短大臣，纖介必聞。太子登數諫，吳主不聽，羣臣莫敢復言，皆畏之側目。壹誣白故江夏太守刁嘉謗訕國政，吳主怒，收嘉繫獄驗問。時同坐人^⑬皆畏怖壹，並言聞之。侍中北海是儀^⑭獨云無聞，遂見窮詰累日，詔旨轉厲，羣臣爲之屏息^⑮。儀曰：「今刀鋸已在臣頸，臣何敢爲嘉隱諱，自取夷滅，爲不忠之鬼？願以聞知當有本末，據實答問。」辭不傾移，吳主遂舍之，嘉亦得免。

上大將軍陸遜、太常潘璋憂壹亂國，每言之^⑯，輒流涕。壹白丞相顧雍過失，吳主怒，詰責雍。黃門侍郎謝宏^⑰語次問壹，「願公事何如？」壹曰：「不能佳。」宏又問：「若此公

免退，誰當代之？」壹未答，玄曰：「得無潘太常得之乎？」壹曰：「君語近之也。」玄曰：「潘太常常切齒於君，但道無因耳！」今日代顧公，恐明日便擊君矣。」壹大懼，遂解散雍事。

潘濬求朝，詣建業，欲盡辭極諫，至聞太子登已數言之而不見從，濬乃大請百寮，欲因會手刃殺壹，以身當之，爲國除患。壹密聞知，稱疾不行。

西陵督步騭上疏曰：「顧雍、陸遜、潘濬志在竭誠，寢食不寧，念欲安國利民，建久長之計，可謂心膂股肱，社稷之臣矣。宜各委任，不使他官監其所司，課其殿最。此三臣思慮不到則已，豈敢欺負所天乎？」

左將軍朱據部曲應受三萬緡，工王遂詐而受之，壹疑據實取，考問主者，死於杖下。據哀其無辜，厚棺斂之。壹又表據吏爲據隱，故厚其殯。吳主數責問據，據無以自明，藉草待罪。數日，典軍吏劉助覺，言王遂所取，吳主大感悟曰：「朱據見枉，況吏民乎？」乃窮治壹罪，賞助百萬。丞相雍至廷尉斷獄，壹以囚見。雍和顏色問其辭狀，臨出，又謂壹曰：「君意得無欲有所道乎？」壹叩頭無言。時尙書郎懷叙面置辱壹。雍責叙曰：「官有正議，何至於此？」有司奏壹大辟，或以爲宜加焚裂，用彰元

惡。吳主以訪中書令會稽闕澤，澤曰：「盛明之世，不宜復有此刑。」吳主從之。

壹既伏誅，吳主使中書郎袁禮告謝諸大將，因問時事所當損益。禮還，復有詔責諸葛瑾、步騭、朱然、呂岱等曰：「袁禮還，云與子瑜、子山、義封、定公相見，並咨以時事當有所先後，各自以不掌民事，不肯便有所陳，悉推之伯言、承明，伯言、承明見禮，泣涕懇惻，辭旨辛苦，至乃懷執危怖，有不自安之心，聞之悵然，深自刻怪。何者？夫惟聖人能無過行，明者能自見耳！人之舉厝，何能悉中？獨當已有以傷拒衆意，忽不自覺，故諸君有嫌難耳！不爾，何緣乃至於此乎？與諸君從事，自少至長，髮有二色。以謂表裏，足以明露；公私分計，足用相保，義雖君臣，恩猶骨肉；榮福喜戚，相與共之。忠不匿情，智無遺計，事統是非，諸君豈得從容而已哉？同船濟水，將誰與易？齊桓有善，管子未嘗不歎；有過，未嘗不諫；諫而不得，終諫不止。今孤自省無桓公之德，而諸君諫諍未出於口，仍執嫌難。以此言之，孤於齊桓良優，未知諸君於管子何如耳？」

（十一）冬，十一月，壬午（二十四日），以司空衛臻爲司徒，司隸校尉崔林爲司空。

（十二）十二月，漢蔣琬出屯漢中。

(十三)乙丑(初八日)，帝不豫。

(十四)辛巳(二十四日)，立郭夫人爲皇后。

(十五)初，太祖爲魏公，以贊令^①。劉放、參軍事孫資皆爲秘書郎。文帝卽位，更名秘書曰中書，以放爲監，資爲令，遂掌機密^②。帝卽位，尤見寵任，皆加侍中、光祿大夫，封本縣侯^③。是時帝親覽萬機，數興軍旅，腹心之任，皆二人管之。每有大事，朝臣會議，常令決其是非，擇而行之。中護軍蔣濟上疏^④曰：「臣聞大臣太重者，國危；左右太親者，身蔽；古之至戒也。往者大臣秉事，外內扇動^⑤，陛下卓然自覽萬機，莫不祇肅。夫大臣非不忠也，然威權在下，則衆心慢上，勢之常也。陛下既已察之於大臣，願無忘之於左右。左右忠正遠慮，未必賢於大臣；至於便辟取合^⑥，或能工之。今外所言輒云中書，雖使恭慎不敢外交，但有此名，猶惑世俗，況實握事要，日在目前？儻因疲倦之間，有所割制^⑦，衆臣見其能推移於事^⑧，卽亦因時而向之，一有此端，私招朋援，臧否毀譽，必有所興；功負賞罰^⑨，必有所易；直道而上者或壅，曲附左右者反達；因微而入^⑩，緣形而出，意所狎信^⑪，不復猜覺。此宜聖智所當早聞，外以經意，則形際自見。或恐朝臣畏言不合^⑫，而受左右之怨，莫適以聞。臣竊亮陛下潛神默思，公聽並

觀，若事有未盡於理，而物有未周於用，將改曲易調^①，遠與黃、唐^②角功^③，近昭武、文^④之績，豈牽近習而已哉！然人君不可悉任天下之事，必當有所付，若委之一臣，自非周公旦之忠，管夷吾之公，則有弄權敗官之敝。當今柱石之士^⑤雖少，至於行稱一州，智效^⑥一官，忠信竭命，各奉其職，可並驅策，不使聖明之朝有專吏^⑦之名也。」帝不聽^⑧。及寢疾，深念後事，乃以武帝子燕王宇爲大將軍，與領軍將軍^⑨夏侯獻、武衛將軍曹爽、屯騎校尉曹肇、驍騎將軍秦朗等對輔政^⑩。爽，眞之子；肇，休之子也。帝少與燕王宇善，故以後事屬之。

劉放、孫資久典機任，獻、肇心內不平。殿中有鷄棲樹，二人相謂曰：「此亦久矣，其能復幾^⑪？」放、資懼有後害，陰圖間之^⑫。

燕王性恭良，陳誠固辭，帝引放、資入臥內，問曰：「燕王正爾爲？」對曰：「燕王實自知不堪大任故耳！」帝曰：「誰可任者？」時惟曹爽獨在側，放、資因薦爽，且言宜召司馬懿與相參^⑬。帝曰：「爽堪其事不？」爽流汗不能對，放躡其足，耳之^⑭。曰：「臣以死奉社稷！」帝從放、資言，欲用爽、懿，既而中變，敕停前命。放、資復入見說帝，帝又從之。放曰：「宜爲手詔。」帝曰：「我困篤不能。」放卽上牀執帝手強作

之，遂齋出，大言曰：「有詔免燕王宇等官，不得停省中。皆流涕而出。」

（考異）放傳曰：「宇性恭良，陳誠固辭。帝

引見放、資入臥內問曰：『燕王正爾爲？』放、資對曰：『燕王實自知不堪大任故耳！』帝曰：『曹爽可代宇否？』放、資因贊成之。又深陳宜速召太尉司馬懿王，帝納其言。放、資既出，帝意復變，詔止宜王勿來。尋更見放、資曰：『我自召太尉，而曹肇等反使吾止之。』命更爲詔。帝獨召爽，與放、資俱受詔命，遂免宇、獻、肇、朗官。」按陳壽當晉世作魏志，若言放、資本情，則於時非美，故遷就而爲之諱也。今依習鑿齒漢晉春秋、郭頒世語，似得其實。

甲申（二十七日），以曹爽爲大將軍。帝嫌才弱，復拜尙書孫禮爲太將軍，長史以佐之。是時司馬懿在汲，帝令給使辟邪，齋手詔召之。先是燕王爲帝畫計，以爲關中事重，宜遣懿便道自軹關西還長安。事已施行，懿斯須得二詔，前後相違，疑京師有變，乃疾驅入朝。

【註】

①帝召司馬懿於長安，使將兵四萬討遼東；胡三省曰：「討公孫淵也。留司馬懿於長安，以備蜀也；諸葛亮死，乃敢召之。」

②議臣：當時參預謀議之臣。③四千里征伐：遼東郡在洛陽東北三千六百里，見後漢書郡國志劉昭注。此云四千里，取其約數。

④據遼東拒大軍：胡三省曰：「遼東當作遼水。」按下文「必先拒遼水，後守襄平也。」作遼水是。

⑤襄平：襄平縣，漢遼東郡治，公孫氏所都，故城在今遼寧省遼陽縣北遼水，後守襄平也。⑥今往孤遠：言今往征，軍孤而道遠。

⑦吳人欲戮其使：胡三省曰：「欲報張彌、許晏之事也。」按孫權嘗遣張彌、許晏使遼東，立淵爲燕王，淵斬其首，送之於魏。事見卷七十二明帝青龍元年。

⑧古道字。

⑨還夷：指公孫淵。

⑩義形萬里：言救亡之義，彰於遠域。

⑪曩事：謂張彌、許

晏之事。曩與昔同。

⑤簡書：詩小雅出車：「王事多難，不遑啓居，豈不懷歸，畏此簡書。」疏云：「古者無紙，有事書之於簡，謂之簡書，以相戒命也。」朱子曰：「鄰國有急，則以簡書相戒命。」

⑥必與弟同休戚：胡三省曰：「淵遣使謝吳，自稱燕王，求爲兄弟之國，故權因而稱之爲弟。」

⑦司馬懿所向無前，深爲弟憂之：語見漢晉春秋，溫公採之。胡三省曰：「此晉史臣爲此語耳，權必無此言。」

⑧彼知官備已固：胡三省曰：「魏晉之間，謂國家爲官。」

⑨異域之人：謂公孫淵。

⑩往者之辱：謂斬張彌、許

晏事。

⑪譎：詭詐。

⑫不克：言不能平定遼東。

⑬行人：使者

⑭淺規：胡三省曰：「謂

規圖淺攻不敢深入。」余按規即規謀，言其非深謀遠慮也，不必作規圖淺攻解。

⑮秘書郎卻正：胡三省曰

：「東漢以馬融爲秘書郎，詣東觀校秘書，秘書郎蓋自融始。」卻後漢書作郝，音稀。

⑯皆家戶所有耳

：言其才行，皆常人所有。

⑰承志竭歡：胡三省曰：「承志謂君父之志；竭歡謂左右就養，承順顏色以盡親

之歡。」

⑱慎宜：慎擇其所宜言。

⑲放談：放縱不羈之言。

⑳智意自然，不可力彊致也：蜀志

孟光傳作「智意雖有自然，然不可彊致也。意不可解，故溫公於上語刪去『雖有』二字，於下語刪去『然』字，於是

益不可解。惟何本蜀志孟光傳作「智者雖有自然，然不可力不彊致也」爲是。孟光之意蓋謂智意雖與生俱來，然

爲當世之急，故不可不力彊致之，下文言當務其急者，正指此。

㉑操策：顏師古曰：「射策者，謂爲難問

疑義，書之於策，量其大小，署爲甲乙之科，列而置之，不使彰顯，有欲射者，隨其所取得而釋之，以知優劣。

對策者，顯問以政事經義，令各對之，而觀其文辭。定高下也。」胡三省曰：「射策即探策也。」按射策係書難問

於簡策，隨應試者所採取而釋之，故亦謂探策。

㉒正，儉之孫也：蜀志卻正傳：「祖父儉，靈帝末，爲益州

刺史，爲盜賊所殺。」按後漢書靈帝紀，中平五年六月，益州黃巾馬相攻殺刺史郗儉，卽此。

●吳人鑄當

千大錢：杜佑曰：「孫權赤烏元年，鑄一當千大錢，徑一寸四分，重十六銖。」

●卑衍：姓卑，名衍。

●圍塹：開塹爲圍以自守。

●水：遼水。

●首山：襄平西南，卽今遼寧省遼陽縣西南，接海城縣界

一名香山，又名駐蹕山。

●遼口：胡三省曰：「遼水津渡之口也。」

●都督令史：魏制諸公加兵者置

都督令史一人，見晉書職官志。

●昔攻上庸至斬孟達：事見卷七十一明帝太和二年。

●糧不淹月：

胡三省曰：「淹，留也；言所留之糧不支一月也。」

●是以不計死傷，與糧競也：胡三省曰：「競，爭也

。懿之語珪，猶有庾言，盡其急攻孟達，豈特與糧競哉？懼吳蜀救兵至耳！」

●乃爾：猶言如此。

●功力不設：言攻具人力，無所施設。

●圍落未合：太平御覽卷三三七引司馬彪戰略云：「太尉司馬軍到

襄平，圍之，北面東面，有圍不合。」

●善因事變：胡三省曰：「言善兵者能因事而變化也。」

取小利以驚之，非計也：驚之，謂使之警惕而知備。胡三省曰：「懿知淵可禽，欲以全取之。」

●楯櫓鈎衝

：胡三省曰：「楯，干也；攻城之士以扞蔽其身。櫓，樓車；登之以望城中。鈎，鈎梯也；所以鈎引上城者。衝

，衝車也；以衝城。」

●楚鄭列國：言楚、鄭俱爲諸侯之國，位均同列。

●肉袒牽羊：楚莊王伐鄭

，鄭伯肉袒牽羊以迎，見左傳宣公十二年。

●天子上公：胡三省曰：「漢太傅位上公，懿時爲太尉而自謂上

公，以太尉於三公爲上也。」

●送任：胡三省曰：「送任，謂送質子也。」

●斯淵父子於梁水之上

：漢書地理志遼東郡遼陽縣注云：「大梁水西南至遼陽，入遼水。」胡三省曰：「司馬懿與諸葛亮相守，閉塞若

無能爲者，及討公孫淵，智計橫出。鄙語有云：『逢敵手難藏行。』其是之謂乎！」

●京觀：杜預曰：「積

尸封土其上，謂之京觀。「顏師古曰：「京，高丘也；觀，謂如闕形也。」

方縣，公孫氏分立爲郡，有今朝鮮京畿道及忠清北道之地。陳壽曰：「建安中，公孫康分屯，有以南荒地爲帶分郡，倭，韓諸國屬焉。」

綸直：姓綸名直。

釋淵叔父恭之囚：淵囚恭事見卷七十一明帝太和二年。

帝不忍市斬，欲就獄殺之：胡三省曰：「是叔陳淵之必反，非同逆者也，帝欲殺之以絕其類，刑之於市則無名，故欲就獄殺之。」

仲尼亮司馬牛之憂：論語顏淵：「司馬牛問君子，子曰：『君子不憂不懼。』曰：『不憂，不懼，斯謂之君子已乎？』子曰：『內省不疚，何憂何懼？』」正義曰：「司馬牛問君子者，問於孔子，言君子之行何如也。子曰君子不憂不懼者，言君子之人，不憂愁，不恐懼。時牛兄桓魋將爲亂，牛自宋來學，常憂懼故孔子解之也。」

祁奚明叔向之過：胡三省曰：「左傳晉人逐欒盈，殺羊舌虎，囚虎兄叔向。祁奚見范宣子曰：『管蔡爲戮，周公右王，何以虎也棄社稷？』宣子言諸公而免之。」按其事見於左傳襄公二十一年。社稷即社稷之臣，言何以虎故而棄社稷之臣。

引分：胡三省曰：「引分即引決也。」

宅：是所居守。

吳改元赤烏：孫權以赤烏集於殿前改元，見吳志孫權傳。

步夫人：吳志步夫人傳云：「夫人臨淮淮陰人

也，與丞相隨同族。」

吳主爲討虜將軍，在吳，娶吳郡徐氏：吳志徐夫人傳云：「夫人初適同郡陸尙，

尙卒，權爲討虜將軍，在吳，聘以爲妃。」

太子登所生庶賤：登字子高，權長子，未卽位而薨，謚曰宣

，見吳志孫登傳。所生，謂登生母

及吳主西徙，徐氏留處吳：吳志徐夫人傳云：「後權遷移，以夫人妬

忌，廢處吳，積十餘年，後以疾卒。」胡三省曰：「西徙，謂自吳而西徙都武昌也。」

依違：胡三省曰

：「依違，不決也。」取或依或違，不知所從之意。

深文巧詆：用法深刻，善爲訾詆以入人於罪。

⑤時同坐人：胡三省曰：「其時與嘉同坐者。」

⑥是儀：姓是名儀。吳志是儀傳云：「儀字子羽，北海營陵人也，本姓氏，初爲縣吏，後仕郡，郡相孔融嘲儀言氏字民無上，可改爲是，乃遂改焉。」

⑦屏息：胡三省曰：「屏息，不敢舒氣也。」按人於怖懾時則屏氣不敢喘息。

⑧言之：言豈之姦狀於吳主。

⑨胡三省曰：「公與宏同。」

⑩但道無因耳：胡三省曰：「謂欲奏舉其罪，而非太常之職，故其道無因也。」無因卽無由。

⑪今日代顯公，恐明日便擊君矣：漢制丞相職無所不掌，百官有罪，皆得舉動。

⑫以身當之：以身當擅殺之罪。

⑬久長：長治久安。

⑭殿最：漢書音義曰：「上功曰最，下功曰殿。」李賢曰：「殿，軍後也，課居後也，最，凡要之先也，課居先也。」

⑮按卽軍吏之主受繒者也。

⑯天：胡三省曰：「君，天也。」

⑰主者：胡三省曰：「主者，據軍吏

於吳主。

⑱道：辯白。

⑲懷敘：姓懷名敘。

⑳焚：刑名。胡三省曰：「殷紂用炮烙之刑，項羽

燒殺紀信，漢武帝焚蘇文於橫橋，然未以爲刑名也。王莽作焚如之刑，後世不復遵用。」按莽作焚如之刑，燒殺

陳良，見漢書匈奴傳。應劭曰：「易有焚如、死如、棄如之言，莽依此作刑名也。」

㉑裂：胡三省曰：「裂

謂車裂，古之輓刑。」按車裂之刑行於戰國，孔叢子：「齊王行車磔之刑。」又國策秦策：「商君歸還，惠王車裂之

而秦人不憐。」車裂卽左傳之輓刑。左傳宣十一年：「輓諸栗門。」杜注：「車裂也。」

㉒闕澤：姓闕名澤。

㉓子瑜：諸葛瑾字。

㉔子山：步騭字。

㉕義封：朱然字。

㉖定公：呂岱字。

㉗當有所先後

：胡三省曰：「謂時事所當行，何者爲先，何者爲後也。」

㉘伯言：陸遜字。

㉙承明：潘潛字。

④刻怪：胡三省曰：「刻，怪也。」

⑤嫌難：有所嫌忌而難於盡言。

⑥二色：胡三省曰：「二色，

謂班白也。」班白，謂黑白二色相間雜。

⑦以謂表裏足以明露，公私分計，足用相保；謂君臣分深，略無

猜嫌。

⑧事統是非：胡三省曰：「言行事是則君臣同其是，非則同其非也。」

⑨從容：言自爲優閑而不

以國事爲念。

⑩今孤自省無桓公之德至未知諸君於管子何如耳：胡三省曰：「下之於上，不從其令而從其

意，孫權自謂優於齊桓而責其臣以管子。使吳誠有管子，亦不敢盡言於權，觀諸陸遜可見矣！」

⑪贊令：

胡三省曰：「鄭縣，漢屬沛郡，王莽改曰贊治，魏分屬譙郡。或曰：贊，相也，凡出令使之贊相，因以爲官名，

蓋魏武霸府所置也。」鄭縣，漢肅何封邑，故城在今河南省永城縣西南。

⑫文帝卽位，更名秘書曰中書，以

放爲監，資爲令，遂掌機密：胡三省曰：「漢桓帝延熹二年，置秘書監，魏武爲魏王，置秘書令、丞，典尚書奏

事，黃初初，改爲中書，置監、令，中書有監令自此始。自魏及晉，遂爲要官。」

⑬封本縣侯：按魏志劉

放、孫資傳，文帝黃初初，放賜爵關內侯，資爲關中侯；黃初三年，放進爵魏春亭侯，資關內侯；明帝卽位，進

放爵西鄉侯，資樂陽亭侯；太和末，資以功進爵左鄉侯，景初二年，平定遼東，以參謀議功各進爵封本縣，放方

城侯，資中都侯。按放，涿郡方城人；資，太原中都人。

⑭中護軍蔣濟上疏：胡三省曰：「此疏亦是濟爲中

護軍時所上，通鑑因敘放、資事而書之於此。」

⑮往者大臣秉事，內外扇動：胡三省曰：「蓋謂文帝時也。

或曰：謂受遣大臣也。」扇亦作煽。扇動，謂擾攘不安。

⑯便辟取合：釋文曰：「便辟，恭敬太過也。」取

合，言與人無忤。辟，讀曰僻。

⑰因疲倦之間，有所割制：胡三省曰：「謂因人主疲倦之時，有所割割而

制斷也。」按割制，卽竊主權以揣制政事之謂。

⑱推移於事：推移卽轉易；事卽下文所謂臧否毀譽，功負

賞罰也。

⑤ 功負賞罰，必有所易：胡三省曰：「負，罪也；易則賞罰不當乎功罪。」

⑥ 因微而入，緣

形而出：其意卽上文所謂便辟取合，以媚惑人主，因乘其疲倦之間，有所制制也。

⑦ 意所狎信，不復猜覺

至外以經意則形際自見：胡三省曰：「言放、資日在左右，狎而信之，不復覺其爲姦，非若早聞忠言，自覺萬機，外以示經意國事，則放、資之形際，必呈露而不可掩矣！」杜預曰：「狎，親習也。」形際猶曰形迹。形際自見，言其爲姦爲姦，將自見於形迹。

⑧ 畏言不合：畏所言不合人主之意。

⑨ 改曲易調：胡三省曰：「以

琴瑟爲喻也。」意謂宜委棄信任近習之弊而改任公忠體國之士。

⑩ 黃唐：黃帝、唐堯。

⑪ 角功：比功

。角有競賽之意，如曰角力。

⑫ 武文：魏武、魏文。

⑬ 柱石之：言士之才是爲國之棟梁砥石者，如

周公旦、管夷吾之流。

⑭ 效：著效。

⑮ 專吏：胡三省曰：「專吏，謂專任放、資。」

⑯ 帝不聽

：胡三省曰：「自此以前皆非年事此，通鑑因放、資患失之心誤帝托孤之事，遂書之於此以先事。」

⑰ 領軍

將軍、武衛將軍：胡三省曰：「魏制：領軍將軍主中壘、五校、武衛等三營。武衛將軍蓋領武衛營也。太祖以許褚典宿衛，遷武衛中郎將，武衛之號自此始。後又遷武衛將軍，於是武衛始有將軍之號。晉泰始初，罷武衛將軍官。」

⑱ 對輔政：對，並比之意，言以諸人同輔政，非有專任。

⑲ 劉放、孫資久典機任至此亦久矣，其

能復幾：胡三省曰：「殿中畜雞以司晨，棲於樹上，因謂之雞棲樹。獻、肇指以喻放、資。夫以此觀獻、肇之經

脫，又何足以托孤哉！」

⑳ 間之：謂離間字、獻、爽、朗諸人。

㉑ 燕王正爾爲：胡三省曰：「言燕王

性恭良，爲事正如此也。」

㉒ 宜召司馬懿以相參：參，參與。言宜召司馬懿與輔政之事以輔爽。

㉓ 不

：讀曰否。

㉔ 耳之：附耳語之。

㉕ 是時司馬懿在汲：胡三省曰：「時懿自遼東還師次于汲也。汲縣自